

ոչ դադարէ: Ի յարգրում քաղաք և ի մերձակայ նահանգս նորա եղեալ է, ասեն, գետնաշարժ մեծ, և բազում շինուածք ի յարգրում և ի բոլոր բասէն գաւառն կործանեալք են. և կարմիր վանքն իսկ գետնակուլ եղեալ է. այս էր գետնաշարժ բնական. բայց և բարոյական գետնաշարժ ազգաց ազգաց ընդ միմեանս բաղխելոց բազում ինչ լեալ լսի յայնս կողմանս: (Հ. Զաքարիա առ Մեղգոնեան, 1770 Դեկտ. 15. [Կ. Պոլիս]):

մղյ.

Աստ ի հոսմ յամենեցունց քարոզի թէ մօսկովքն փախստեայ եկին և քայքայմամբ նաւուց հազիւ հասին ի մալթայ, և անտի ի լիվօնոյ, ոչ միայն ի բերդից պօղազի ստամպօլուն հարեալք և թօփօտեալք, այլ և ի բիւրաւոր մանր ֆուլիգայից սրով և թֆանկօվ յարձակելոց ի վերայ. յորոց փախեան ասեն մօսկովքն. գալն մօսկովաց յայտոսիկ կողմանս է անսխալ... Ճէնոալն նոցա գալոց է ի Հոսմ, և պալատն է պատրաստական: (Հ. Գեորգ Պաղտ. առ Հ. Մկր. Ան. 1770 Հոսմ, Դեկտ. 22. [Հոսմ]):

մղե.

Կատարեալ որպիսութիւն այնր գետնաշարժի եղելոյ ի գաւառին Էրզրումայ՝ զորմէ գրեցի յանցեալ թղթիս, այսպէս է լեալ, զի յայնմ գետնաշարժէ պարիսպն Էրզրումայ քաղաքին փլեալ է ի բազում տեղիս. չորս կամ հինգ գիւղք բասանու գաւառին գետնակուլ են եղեալ. և կարմիր վանքն բոլորովին կործանեալ և հաւասար գետնոյ լեալ: Խուլէլիօղլու աբրահամ աղայն ըստ խոստման իւրոյ (որպէս գրեալ եմ քո ձեզ) ետ մեզ գհարս և զմարս ոսկանայ գրոցն, զորս ըստ ժամանակին առաքեցից առ այդր: Բայց յայսմ գիտելի է՝ Նախ այս, զի որպէս տեսի, ոչ մի տեսակ գրոց են այնոքիկ, այլ երեք և չորք, մեծք միջակք և մանունք. որոց բազումք ի հարցն ժանկոտ տեալ կան. և ոմանք ևս խանգարեալք: Երկրորդ, եթէ ոսկանայ գրոցն խալիպներն այսինքն հարքն և մարքն ընդ նոսին իցէ, դեռ ոչ գիտեմ, զի չփորձեցի: Եւ երրորդ կան ընդ այսոցիկ գրոց նաև բազում պատկերք շարականին ոսկանայ ի կապարի ձուլեալք (որպէս յիշեմ թէ ունիմք մեք այդր զմի հատ ի յայնց պատկերաց). և այլ բազում պատկերք կոպիտք և մարդագիրք և ծաղկագիրք և ծաղիկք և կուբղայք փորագրեալք աստ ի ստամպօլ, զորս տեսանէք ի գիրս տպագրեալս ի ստամպօլ: (Հ. Զաքարիա Ա. առ Մեղգոնեան, 1771 Յունվ. 1. [Կ. Պոլիս]):

մղյ.

Պարոն յովսէփն գրեաց ինձ թուղթ ի հալպայ. յորում գրէ, թէ գիշատեալ սպանին զկաթուղիկոսն սըսոյ առաջի եղբօր իւրոյ... Ընդ գրոյ պարոն յովսէփին գրեաց առ իս և պարոն յակոբն աներ պարոն յովհաննիսին՝ գիր մի, յորում գրէ, թէ սէյիտքն տիրեցին հալպու. և զոր ինչ միանգամ կամին՝ առնեն աներկիւղ ամենեկին. և խոռովեալ են զքաղաքն ողջոյն զցանկալին հալէպ, մինչև ոչ լինել ումեք հնար շրջիլ համարձակ ի փողոցս: (Հ. Միք. Զամլ. առ Հ. Մանուէլ և Հ. Սուքիաս, 1771 Յունվ. 7. ի Պատրայ):

մղե.

Սէյիտքն հալպու բազում չարիս զործեալ էին ի հալէպ, և այնչափ զօրացեալ մինչև ոչ ումեք քրիստոնէի հնար լինել երեւել ի փողոցի. իսկ այժմ եկեալ փաշայ մի՝ գհարիւրս ի նոցանէ հարեալ է ի ցից. և զայլ բազումս յայլ մահունս կորուսեալ. որով և խաղաղացեալ է քաղաքն. և սոքն բարձեալ է. և այս պատմեցաւ ի նոցանէ, որք ի կատարել այսր ամենայնի էին ի հալէպ: (Հ. Միք. Զամլ. առ Հ. Մանուէլ և Հ. Սուքիաս, 1771 Յունվ. 27. ի Պատրայ):